



# ТОШКЕНТ ҲАҚИҚАТИ

2012 йил  
23 май  
ЧОРШАНБА  
№ 40  
(12.468)

1928 йил 11 декабрда асос солинган

Вилоят ижтимоий-сиёсий газетаси

www.th.uz

## «УМИД НИҲОЛЛАРИ - 2012»



# АНЪАНАВИЙ МАШЪАЛА МАНЗИЛГА ЙЎЛ ОЛДИ



Вилоятимиздан 47 спортчи йигит-қизлар иштирок этиб, футбол, миллий ва белбоғли кураш, енгил атлетика, стол тенниси, шахмат, сузшиб, спорт ҳамда бадий гимнастика бўйича куч синнашадилар.

Бу йилги мусобақаларда ёш спортчиларимиздан умидимиз катта, дейди «Ёшлик» жисмоний тарбия ва спорт жамияти вилоят кенгаши раиси ўринбосари Шухрат Раимов. Чунки, шахар ва туман мактабларидан спортчиларнинг энг кучлилари саралаб олинди. Айниқса, футбол, енгил атлетика, миллий ва белбоғли кураш, шахмат, стол тенни-



си каби спорт турлари бўйича юқори натижалар қўлга киритилишига ишонамиз. Шахмат бўйича Алишер Бекмуродов, Феруза

Юртбошимиз ташаббуси ва раҳнамолигида юртимизда ёшлар ўртасида уч босқичда ўтказилаётган «Умид ниҳоллари», «Баркамол авлод», «Универсиада» спорт мусобақалари ёш авлодни жисмоний баркамол қилиб тарбиялашда муҳим омили бўлмоқда. Бу йил Навоий шаҳри мезбонлик қиладиган «Умид ниҳоллари - 2012» мусобақаларида ҳам юртимиздаги умумтаълим мактабларининг мингдан зиёд ўқувчилари иштирок этади.

Мухаммадкаримова, стол теннисиде Олег Ким, енгил атлетикада Муаттар Акбаралиева, миллий ва белбоғли курашларда Неть-

матжон Далабоев, Элдор Эргашев, бадий гимнастикада Зебинисо Хамидова каби иқтидор эгаларига катта ишонч билдирилмоқда.

Кеча вилоятимизнинг Паркент туманидаги «Күёш» илмий ишлаб чиқариш биноларида машъала ёқиш тадбири бўлиб ўтди. Ушбу машъала юртимиз шахар ва қишлоқлари бўйлаб олиб ўтилиб, Навоий шаҳрига етказилади.

Вилоятимиз вакиллари ҳам «Умид ниҳоллари - 2012» спорт мусобақаларида иштирок этиш учун жўнаб кетишди.

**Равшан ЁҚУБЖОНОВ.**  
**Зиёвуддин ХОЛИҚОВ**  
олган суратлар.

## МАЪНАВИЯТ

# АХБОРОТ ХУРУЖЛАРИ ВА МАФКУРАВИЙ ТАРБИЯ

Биз ўз олдимизга очик ва эркин демократик жамият қуриш вазифасини қўйганмиз. Уни бажариш учун Юртбошимиз «Юксак маънавият - енгилмас куч» асарига ёзганидек, «... Давлатимиз келажакни ўз қобилига ўралаб қолган ҳолда эмас, балки

умумбашарий ва демократик қадрларни чуқур ўзлаштирган ҳолда тасаввур этамиз. Биз бутун маърифатли дунё, халқаро ҳамжамият билан тинч-тотув, эркин ва фаровон ҳаёт кеңириш, ўзаро маърифатли ҳамкорлик қилиш тарафдоримиз».

Бирок, XXI аср бошларига келиб, бутун жаҳонни қамраб олган глобаллашув жараёнида, ёвуз мақсадни кўзлаб, инсон қалби учун кураш кучайган, бунда замонавий ахборот-коммуникация воситаларидан тобора кенг фойдаланилаётган бир пайтда бу орзу-ниятга осонгина эришиб бўлмаслиги тобора аён бўлиб бормоқда.

Инсоният тарихий тарақ-

қиётининг ҳозирги босқичи ҳаёт суръатларининг беқиёс тезлатиши сифатида улкан ижобий натижаларга олиб келган глобаллашув жараёнининг салбий оқибатлари бугунги кунда бизнинг жонажон ўзбекистонимизнинг мустақил ривожланиш йўлига хатарли таҳдидлар кўришида тобора кучли намоён бўлаётганини кўриб қузатиб турибмиз. Унинг кенг қамровли ва ўткир

таъсири маънавий ҳаёти- мизда, маънавий баркамол авлодни тарбиялаш йўлида дуч келаётган мураккабликларда, айниқса, яққол кўзга ташланмоқда. Эзгулик ва ёвузлик, юксак маънавий-ахлоқий ҳаёт тарзи билан ҳаётбахш ва зарарли гоғлар ўртасида рўйи азалдан давом этиб келаётган кураш «эркин маданият» - ахлоқий ту- банлик, зўравонлик ва шахватпарастлик, босқин-

чилик ва бутун-бутун халқлар, мамлакатлар устидан ҳукмронлик қилиш орқали ўз иқтисодий муаммоларини ҳал қилишга интилиш кўринишларида намоён бўлаётган.

Замонавий ахборот коммуникациялари ва тобора юқори даражада ривожланиб бораётган ахборот технологиялари бундай хуружларга кенг майдон очаётгани, зарарли мафкуравий таъсир ўтказиш қуролига айланиб, ёвуз сиёсий кучлар, турли «марказ»лар, диний-экстремистик оқимлар манфаатларига хизмат қилаётгани сир эмас.

(Давоми 2-бетда).

## ҚИШЛОҚ МУЛҚДОРЛАРИ

# ФЕРМЕРНИНГ ОРЗУСИ ИЖОБАТ БЎЛАЯПТИ

Юртбошимизнинг «Мева-сабзавотчилик ва узумчилик соҳасида иқтисодий ислохотларни чуқурлаштириш чора-тадбирлари тўғрисида»- ги Фармони асосида Янгийўл туманида боғдорчиликка иxtисослашган фермер хўжаликларини кўпайтиришга алоҳида эътибор қаратил-

моқда. Туманда етиштирилаётган деҳқончилик маҳсулотларини сотиш, сақлаш, қайта ишлаш тармоқларини ривожлантириш шу куннинг муҳим вазифасига айланган. Бу йўлда фермер хўжаликларини бор куч ва имкониятларини ишга солиш қарор қилинди.

— 1996 йилда 20 гектар ер олиб иш бошлаган эдик, — дейди «Собир» фермер хўжалиги раҳбари Равшан Расулов. — Бугунга келиб еримиз 55 гектарга етди. Ёшлигимдан боғ яратиш орзум эди. Шу мақсадда 2007 йилда 10 гектарга гилос, 4 гектарга олхўри эдик. Бугун уларнинг олди ҳосилга кирди. Бундан ташқари 25 гектар майдонда галла парваришляяпмиз. Утган йили 50 центнердан зиёд ҳосил олиб, режани ортиги билан бажардик. Бу йил ҳам ҳосил чўғи баланд. Шу билан бирга 100 тоннадан ортиқ сабзавот етиштириш юзасидан шартнома имзолаганмиз. Дала-ларимиз фақат насос орқали сугорилиши боис, бу йилги об-ҳаво айни мuddа бўлаяпти.

Туман бу йилдан мева-сабзавотчиликка иxtисослаштирилди. 12 минг гектардан зиёд майдонда 319 минг тоннадан ортиқ мева-сабзавот етиштирилади. Маҳсулотнинг 133 минг тоннадан кўпроги тумандаги қайта ишлаш корхоналарига, қолгани ички истеъмолга ва Тошкент шаҳри аҳоли-сига етказиб берилади.

Туманнинг мева-сабза-



вотчиликка иxtисослаштирилиши боғ яратиш орзусидаги фермер хўжаликлари раҳбарларининг кўнгилдаги иш бўлди. Бу йил «Собир» фермер хўжалигида яна 15 гектарли янги боғ ташкил қилинди.

Юртимизда қишлоқ хўжалик маҳсулотлари етиштириладиган майдонларни кенгайтириш баробарида мева-сабзавотларни қайта ишловчи замонавий техника ҳамда технологиялар билан жиҳозланган илҳам корхона-лар барпо этиши, улар узлуксиз ишлаши учун

ҳар томонлама мустаҳкам хом ашё базасини шакллантиришга ҳаракат қилинмоқда. «Собир» фермер хўжалиги ҳам фаолиятини янада кенгайтириш ниятида. Фермернинг айтишича, келажакда ўзлари етиштираётган қишлоқ хўжалик маҳсулотларини қайта ишлайдиган замонавий илҳам корхона ташкил этилади. Бу хўжалик даромади-га даромад қўшиш билан бирга кўплаб қишлоқ ёшларини иши билан таъминлаш имконини беради.

**Камолитдин АСҚАРОВ.**

**СУРАТДА:** Равшан Расулов (чапдан иккинчи) хўжалик аъзолари билан.

**Собир ЗУФАРОВ** олган сурат.

## СЕМИНАР-ТРЕНИНГ

# МАҚСАД — ЮКСАК ДАРАЖАГА ЭРИШИШ

«Пойтахт» бизнес-марказида Ўзбекистон мустақил босма ОАВ ва ахборот агентликлари кўллаб-қувватлаш ва ривожлантириш жамоат фонди, Европа хавфсизлик ва ҳамкорлик ташкилотининг Ўзбекистондаги лойиҳаларни мувофиқлаштирувчиси ва журналистларни қайта тайёрлаш халқаро маркази ҳамкорлигида «Ўзбекистонда давлат ҳокимияти ва бошқаруви органлари ахборот хизматлари фаолиятини тақомиллаштириш масалалари» мавзусида семинар-тренинг бўлиб ўтди.

Унда республикадаги жамоат ташкилотларининг ахборот хизматлари вакиллари иштирок этди. Семинар-тренингдан кўзланган мақсад давлат ҳокимияти ва бошқаруви органлари, жамоат ташкилотларининг ахборот хизматлари имкониятларини кенгайтириш, улар фаолияти самарадорлигини ошириш, профессионал даражага эришган матбуот хизматлари иш услубларини ўрганиш, журналистик маҳорат кўникмаларини ўзлаштиришдан иборат.

**Равшан РУСТАМОВ.**

«Пойтахт» бизнес-марказида «Суд-ҳуқуқ тизими- ни ислох этишининг долзарб вазифалари: хорижий ва миллий тажриба» мавзусида халқаро давра суҳбати бўлиб ўтди. Тадбир Ўзбекистон Республикасининг

# СОҲАДАГИ ТАЖРИБА ЎРГАНИЛМОҚДА

Ўзбекистон истиклолнинг дастлабки йиллари- дан демократик ҳуқуқий давлат ва очик фуқаро-лик жамиятини қуриш йўлини танлади. Инсон ҳуқуқлари ва қонун устуворлигини таъминлаш, фуқароларнинг ҳуқуқий маданияти ҳамда онгини ошириш Президентимиз Ислам Каримов раҳна-молигида амалга ошириб келинаётган давлат сиёсатининг устувор йўналишларидан бирига айланди.

Инсон ҳуқуқлари бўйича Ўзбекистон Респуб-ликаси миллий маркази директори Акмал Саид-дов, Фридрих Эберт номидаги жамғарманинг Марказий Осиё мамлакатларидаги ваколатхона-си раҳбари Пар Тешендорф ва бошқалар шу ҳақда гапирди.

Тадбирда мамлакатимизда миллий суд-ҳуқуқ тизими бир неча босқичда ислох қилинганга қайд этилди. Масалан, қонунчилик ва бошқа меъёрий-ҳуқуқий ҳужжатлар қабул қилинган 1991-2000 йил-ларда суд-ҳуқуқ тизими фаолияти асослари кон-ституционал жиҳатдан мустаҳкамланди. 2001-2010 йилларда эса демократик янгилаш ва эркинлаш-тиришга доир ислохотлар амалга оширилди. Бу даврда умумий юрисдикция судлари иxtисослаш-тирилди, ишларни апелляция тартибидеа кўриб чиқиш жорий қилинди, жиноятларнинг таснифла-ниши ўзгартирилди, дастлабки тергов ва айблан-увчиликни ҳибсда ушлаб туриш мuddатлари қис-қартирилди, ўлим жазоси жиноят учун жазо тури сифатида бекор қилинди.

Давлатимиз раҳбари томонидан 2010 йилда Олий Мажлис палаталарининг қўшма мажлисида илгари сурилган «Мамлакатимизда демократик ислохотларни янада чуқурлаштириш ва фуқаро-лик жамиятини ривожлантириш Концепцияси» мамлакатимиз суд-ҳуқуқ тизимини ислох этишида янги босқични бошлаб берди.

Давра суҳбатда мамлакатимиз экспертлари, Қонунчилик палатаси депутатлари, қатор вази-рлик ва идоралар, фуқаролик жамияти институт-лари, олий ўқув юрлари вакилларининг маъру-залари тингланди ҳамда муҳокама этилди. Бу борадаги халқаро тажриба ўрганилди.

**Сардор ТОЖИЕВ,**  
**ЎЗА МУХБИРИ.**





